

# Izen arinen erabilera euskarazko corpus akademiko batean

## Proposer(s) / Proposatzailea(k)

Igone Zabala

## Contact / Kontaktua

[igone.zabala@ehu.eus](mailto:igone.zabala@ehu.eus)

## Description / Deskribapena

Corpus akademikoak erabilienetakoak dira corpus-hizkuntzalaritzako lanetan aukera ugari ematen baituzte erregistro horien bereizgarriak deskribatzeko askotariko aplikazioei begira: terminologia, fraseologia edota errutina diskurtsibo espezializatuak biltzen dituzten datu-baseak, edota erregistro espezializatuen irakaskuntzarako materialak prestatzeari begira (Biber, 1988, 1994, 2006;. Parodi 2005, 2007, Flowerdew 2004) beste askoren artean). Edozein hizkuntzak komunikazio-tresna egokia izateko garatuta izan behar ditu askotariko erregistroak.

Izen arinak funtsezko elementuak dira diskurtso akademikoetan. Batetik, elementu garrantzitsuak dira diskurtso horien kohesiorako, baina baita diskurtso espezializatuen bereizgarriak diren elementu lexikoetan duten parte-hartzeagatik, bai termino modura eta bai paratermino modura ere (Estopa eta Lorente 2008, 2010; Zabala 2017).

Izen arinek jakintza-alor desberdinetako diskurtso akademikoetan dituzten jokaerak eta funtzioak deskribatzea interesgarria da, horien gaineko jakintza teorikoa garatzeko (Zabala 2018) ez ezik, bi motatako aplikazioei begira ere. Hasteko, izen arinek zarata handia sortzen dute terminologiaren erauzketa automatikoan eta, beraz, horien jokaera zehatza ezagutzea oso baliagarria izan daiteke erauzleak hobetzeari begira. Bestalde, mota desberdinetako izen arinek diskurtso akademikoetan betetzen dituzten funtzioen deskribapenak aplikazio zuzenak ditu erregistro horien irakaskuntzara bideratutako aplikazioetarako.

## Goals / Helburuak

Lan honen helburua da corpus akademikoetan erabiltzen diren izen arinen zerrenda lortzea, eta horietako bakoitzak diskurtso desberdinetan betetzen dituen funtzioen karakterizazioa egitea.

## Requirements / Betebeharrak

Lan hau aurrera eramateko euskara jakitea ezinbesteko baldintza da, automatikoki lortuko diren

datuak garbitzeko ezinbestekoa baita adibide zuzenak eta okerrak bereizi ahal izatea, bai eta horietako bakoitzak diskurtsoan betetzen dituen funtzioak aztertzeke gauza izatea ere.

## **Framework / Esparrua**

Corpus-hizkuntzalaritza: erregistro akademikoen garapena

## **Tasks and plan / Atzak eta plana**

1. Garaterm copusaren barruan azterketarako erabiliko diren azpicorpusak definitzea
2. Izen arinak, haien maiztasunak eta agerraldiak erauzteko estrategiak eta baliabideak definitzea
3. Izen arinen zerrendak eta estatistikak erauzteak
4. Estatistikak eta agerraldiak lantzea ondorioak lortzeari begira